

讀白華草堂詩二集

讀白華草堂詩二集卷三

丁亥

鎮平黃釗穀生

禹城留別秋航

相別垂七年相聚僅六日開樽正及辰談藝每至戌沉
沉漏已深情話豈能畢君又民事勤戴星入而出七年
亦易過六日更難得此別會何時離思耿胸臆

讀君岱雲編悔我知君淺攢眉入詩社君意不謂善曩
疑君介介懷抱少開展別來知政成循聲溢青兗豈知
詩愈豪老手出高眼悠悠安足論此意吾當勉

農田及水利因地以制宜惟此行保甲竟可隨地施我

雖未當局講求願無遺君言大有理弊小利無涯太白
慕嵇阮冲舉不可期少陵比稷卨奏效當有時

送朱平台進士

汝衡

作令清平

今日宰官具猶存長者心知君渾巧拙作宦任升沉先
德看留硯循聲聽謦琴願將韋佩意持與故人箴

宿岱麓用少陵望岱韻

明星爛銀光岱色辨未了沉沉南天門闔闢白昏曉海
潮呼候雞嶽鐘盪宿鳥平明馬首東已縮日輪小

羊流店曉發

鈴柝五更頭春寒力更適殘星驅馬去遠火別羊流皮

榼燒腸酒并裝蔽體裘琅琊官道柳未魚游南想

途中作時同近堂漕帥自山左赴淮

海色微茫岱色舒齊煙纔散楚霞鋪春來汶水湯方言車涉

水而渡口湯車馬路轉蒙山入畫圖節帥弓刀千騎簇書生

琴劍一囊孤桃花未漲黃流小不信魚龍萬變殊

淮上晤子履話舊敘別率成一律

七年人事感浮漚握手悲懽各敘愁短榻圖書仍學舍

長淮風雨又歸舟名山君有藏身地老屋吾無着脚樓

他日一樽能踐約採詩來作嶺南遊

題盛小雲茂才

微瑣

嘯雨山房遺集

小雲爲子履長子以嘔血

卒

何許少年筆血絲搓硯紅冷魂嘯春雨長爪搦秋風哀
誄歸賢執遺文累乃翁青山埋玉地應有氣如虹

梅花嶺弔史閣部

飛礮如山壓怒潮衣冠難共楚魂招梅花冬雪堆三尺
燕子春鎗了一朝末運江淮俱失險荒邦將卒各宜驕
獨憐燁掌軍書夜淚盡僧廊憶解貂

渡揚子江

輕帆東向海門收煙樹樓臺豁倦眸淺夢鶯花迷白下

多情鼓角似黃州

時以糧艘阻滯沿江東下常鎮觀干
察劉竹湘先生遣人送至丹徒開干

人書札慚賢達作客光陰付傳郵料想江神應竊笑無
田歸去若爲謀

泛舟橫塘遊靈巖天平支硎諸山歸過楓橋作

客心同鴟夷欲覽太湖勝穹窿不可登且躡靈巖徑扁
舟下橫塘洗眼天光滢浮圖如美人青山一笑倩因思
苧蘿女俯影落明鏡愁鬢未忍描步履疑可聽悠然已
神往攀蘿陟危磴

攀蘿豈不艱坐避昇丁惡未須具筇屐聊用試腰脚吳
宮沒荒蕪范墳露磊砢我我天平山鬼斧借開鑿當時
賢子孫斯世共憂樂祠門徹月臺墓道闕煙壑僧茗憩

春風玉蘭花半落

僧話亦片時竹院斜陽下山桃破紅萼遠近映亭榭蒼
然暮靄濃高阜出精舍支公夙棲遁逍遙自觀化白雲
隔上方欲宿不可借殷勤有權娘回船進魚炙鰕菜葑
湖春燈火楓橋夜

虞山官舍同張厚齋明府敦道夜話

好雨尙湖春扁舟訪故人鶯花酬客賤鮓菜足官貧
蠶簡年華老牛刀治譜新宵深聽簷溜翦燭話緇塵

虎邱題壁

玉蘭花謝寓樓閒力十二參磴易攀喚取沙門茶博士

一
顧香薷看虞山

孫武子祠題壁

兵法無端試美人馬前一笑血凝塵
再來但把雙蛾蹙
知否西施是後身

過鴛湖

已未春遊此距
今三十年矣

曉夢迷離入秀州縷煙絲雨羃湖樓重尋三十年前路
汀草紅心鳥白頭

舟過臨平

風聞武林津關吏暴如虎侵晨抵臨平紅欄枕江許去
去書半船津亭不我阻朝曦散綠煙青山放鳴觴

徐星溪都督邀遊西湖泛舟至放生池卽事

騶卒負隱囊老兵挈茶具奚僮背琴書來喚西泠渡招
招一艇搖已入湖心去垂柳暗長隄啼鶯不知處稍前
見黃妃塢頂出煙霧六橋斷而連雙峯隱復露三潭規
堠臺水面延白鷺放生聚螺蛤眾覓適相遇不忍萬命
坑因許衆生度乃知大雄力能仁固其素境以觀生通
理豈參禪悟一聲南屏鐘湖色近昏暮歸來汲春波洗
硯出新句

都督有春
波洗硯圖

西湖雜詩

澹雲微雨鷓鴣天湖上春寒欲禁煙屏却花驕共油壁

扇茶來泛總宜船

巢居小像卧湖雲
雛鶴籠來尙不羣
添得梅妻新伴侶
玉簪藏過菊香墳

修竹祠堂傍水仙
不教居士更參禪
石泉槐火依然冷
詩夢圓來八百年

蠶豆花開野菜香
邵皇親墓出頽牆
魚羹宋嫂風流歇
酒舍空傳段七孃

怪石蒼苔盼翠華
梅巖遺址半欹斜
絕憐當日光堯詠
祇見南枝放早花

杜鵑啼血過清明
岳墓人來當踏青
若有心肝雙鐵像

也應垂淚牧牛亭

泛宅浮家裡鷺鷥金堂玉室訪林邱風流不見張天雨
賸有詩題黃篋樓

夾道垂楊陌上栽軍官隨意試龍媒健兒窄袖城根過
却道纔從馬海來

濕青寒翠落衫濃香客來經九里松出到行春橋畔望
半湖煙雨暗中峯

江鄉寒雨綠春蕪碧嶂紅棉入畫圖收取叢殘金粉筆
且將濃墨蘸西湖

漢壽亭侯玉印歌

印藏西湖侯祠中上
高宗御製詩

黃綾包裹朱盤捧 御書侯印神爲竦拂拭初看鸞鳳

鸞襲藏久並球刀重英英八字鐫篆文司馬齋賜前將

軍

蜀志建安己亥川人獻玉一顆中有并環漢中王命上下鐫曰漢壽亭侯關羽之印遣益州司馬費詩齋

至荆州賜前將軍爲佩章假節鉞督九郡當時假鉞督九郡想見虎視空襄

樊如虹浩氣亘神物洞庭鄱陽先後出

印後爲吳將徐盛得之黃龍已

西盛過鄱陽湖舟覆失之迄明萬曆丁巳鄱陽湖晝夜放光漁人獲得是寶有司進於朝越二歲丁巳神宗命

翰林董其昌齋至西湖侯祠中洞庭事見雲谷雜記片玉仍齋明聖湖水伯波臣

助齋祓我摹此印三難息漢家玉璽虛傳國洛陽宮井

龍蟠泥望氣孫郎收五色永安宮中誰侍側張嘉所獻

亦旋失

蜀志先生傳襄陽男子張嘉獻玉璽

何如此印不污賊千載漁人

還網得摩挲重寶感英靈鵲翠長留 聖墨馨鄂王私

印誰藏得不共祠官配鼎銘

岳鄂王有玉印大徑寸白文刻岳飛私印四字太湖

漁人網得之後爲吳郡孫氏所有佩之可已應見淮海英靈集江昱詩

過嚴子陵祠

一代開風節囂然不可臣
掉頭向煙水伸脚動星辰
高祖亦英主叔孫慚聖人
先生與光武祠記並千春

蘭溪謠

古蘭溪產香草締同年
妹與嫂苦思之令人老

一解 香草

根蘭與蕙久服之令人媚
不可常黑頭蟻

二解 黑頭蟻喜

傷蘭蘭心悴蘭葉乾苦思之增永歎

三解

雨中過龍游

回首蘭溪隔遠汀
渚蘋皋杜尚芳馨
春寒詩夢能生綠
江冷琴心欲汎青
百里煙光迷岸塔
一帆風色過津亭
晚來暮雨瀟瀟曲
半似吳船帶醉聽

常山道中

花笑鳥嘯邊籃輿
互折旋溪黃淘夜
雨壠綠染春煙飯
站擔夫頓茶壚
少婦煎歸程看日記
已過路三千

夜抵廣信泊舟驛亭下追感在菴

閃閃驛亭燈
統統城樓鼓
風急浪乍鳴
雲零月初吐
迷離若夢魂
非夢情逾苦
君魂果歸未
未歸在何所
此問

地下人張仲祐謝直可以語君如辛幼安慷慨定相許故

山楓林青詩骨未入土蓬壘艱一邱黎棗望千古迢迢

此長夜勞勞尙行旅入夢忽復醒篷背灑寒雨

進灘

堆柴店口歇樵童晒網船頭坐釣翁雷斧鑿殘天子地

名斗桅占到秀才風嶺江舟子以風之崎嶇灘路盤盤

進習慣鄉音暫暫通見說南來江米賤川塗無警仗年

豐

南安峽

西江流一綫南粵鎖千門似甕吞舟人如繩勒馬奔簷

深山鬼悄洞古石猴尊徹夜灘聲急羈人欲斷魂

佛山口占

趁潮沙艇逐西東
塵市帆樯夾港中
看煞臂猿蜚家女
一天梅雨賣禾蟲

曉起望羅浮作歌

中原羣山自相儔
青螺湧現誇佛頭
蓬萊主者特狡獪
擲一左股遺炎陬
此股橫落三山外
高天厚地不敢囚
奇峯四百雄且邁
元關奧府蟠深幽
乘雲鸞鳳渺人世
躡屩龍虎同天游
心精尙許契黃葛
體魄未合區羅浮
當時忍痛勇一割
豈真視此同懸疣
洪厓聳肩拍已下

方平袒背鞭堪愁，白虞伸脚隘八極。不以局促卑神州，
扶桑日出飛火毬。雲中照見雙石樓，此時何人獨抱膝。
龍潭曉坐看奔流，石蒲土芝足採拾。紺雀丹蝠相綢繆，
酥醪畧吸百骸暢。甕頭蟻亦憐，蜉蝣前身毛髓幾。伐洗
念此已覺蠲煩憂，行當酣醉枕股睡。騎蝶一夢三千秋，

朝雲墓

絳草幻飛螢，湖邊見小星。蓮身禪偈化，桃骨瘴煙馨。
南海潮空白，西山碣自青。新宮衆仙筆，誰勒子霞銘。

牽羊岷謁韓文公祠

亡羊路多歧，岐嶺恐歧悞。適來牽羊岷，將毋防歧關。

雲寒不落日午
霧朝霧俯壑迴
杉風盤磴滑苔
露古雪不能到
陰氣獨凝洎森
森韓子祠橡柏
長拱護頭陀爾
何勞肅客供茶
具公方排異端
我敢悅禪趣

高陽池落成修禊詩爲襄陽太守周芸皋師作

高陽池成適修禊
兒童拍手太守醉
太守醉太守不醉

山公疎放太白狂
前賢曠達非吾事
太守不醉太守醉

習家子孫能讀書
漢上農人誇水利
蔣君桃襄陽令張將祖暄

君柳襄陽司馬廚有魚樽有酒
白髮蕭蕭扶壽母
太守

承顏酌大斗
少陵萬間厦
太守十畝池
萬間厦亦虛願

耳十畝池
乃實利之太守
慕羊杜太守
追白蘇高陽池

館入畫圖風景髣髴同西湖西湖水利知何如沿隄桃
柳千百株白公蘇公世恐無太守真白蘇太守亦羊杜
峴首之思共今古七十餘人孰龍虎同日禊集七十餘人醪醕飲
人豈醕人想見當筵衆賓舞

五月廿三日家霽青太守安濤招集郡齋小木天

館出消寒雅集圖見示爲賦二絕

綠榕丹荔陰鳴蟬消夏閒來小木天談到歲寒梅鶴證
瓊爐高會有羣仙

莊襟老帶寫從容槃敦風流悵未同若侍十三人末座

圖中凡首將家法質涪翁
十三人

題家退菴先生馴鹿莊圖

眠牛表舊阡馴鹿構新築幼年扇枕心晚歲林泉福披
圖緬素風讀史踵華躅松楸抱冬心莢蒿鬱春目北邙
卽南陔書舍亦農屋白雲卧可望青山行已卜致能遊
許常修期願當足公誠慰烏私我乃愴鵲哭祠龕無復
存墓田未忍鬻無家別易傷有歌聲難續時余家被水
廬舍蕩然

題家子未

若濟

百藥山房圖

用藥漫嘲韓退之首登赤箭收青芝識藥漫誇寇宗奭
悞訂澤蘭疏卷柏人生何者爲通儒草木箋注徒區區
養生未得嵇康訣起死敢廢神農書吾宗騷雅富述作

一亭曾遣茅龍縛益壽常扶子母藤延年妙合君臣藥
覓陸菊徑晨露涼行園自愛和風香有時得句歸藥囊
椒蘭辛桂同芬芳九原三閭尚可作一脈遙授千金方
吁嗟乎爾雅不熟幾悞死世上應無勸學子好從藝事
證通人莫認醫門作方技

吳石華桐花館填詞圖

銀雲欲墮珠露團綠窗微雨生朝寒紅牙碧柱卧滑簾
筆牀墨几森明珩書巢小隱知誰氏舊是鄉環掌籤史
曾教楊柳唱屯田且向蓮花呼博士花天洒地本無情
詞筆爭憐太瘦生邊笳警夢惺忪覺江雨懷人觸撥成

春陰庭院雖閑寂寫來不似秋蕭瑟何人爲起白石翁
籬落呼燈尋蟋蟀

贈別陳登之

廷恩

并訂重九爲湖山之遊卽題其

韓江歸舸圖

夫君俊逸真無徒烏衣子弟今官奴清談豈但捉麈尾
更傳家法人追慕銀鈎玉版不甚惜得者珍重同璠璣
北遊燕薊東入粵詩囊壓擔勞肩夫相逢郡齋劇快意
當筵意氣酣歌呼以其餘技出射覆尖穎有逾金僕姑
劇談三日不盡致執手一別空嗟吁南氣候與北殊
方秋九月鴻雁徂青條蒼葉映不枯山老僧頗解事

明日重九攜行廚持螯對菊亦佳耳囊琴匣劍胡爲乎
江邊桃葉漫迎接歸舟爲我停菰葦

九日集湖山卽席分得世字

莊生逍遙遊落想出人世尻輪御空行天風挹衣袂登
高誰見呼飛騰已夙契湖山况信美青鄉久開霽下見
堞齒環上有石骨瘞人煙萬井低勇出樓臺勢丹楓開
吟社紫竹庵合僧齋仙佛夫何名遠塔示超詣

同人集湖山適霽青太守來登高茶話片時卽事
瘴霧吹開見海垠官身暫憩作吟身題名碑碣憐陳迹
得姓江山盼替人如此登臨應不偶已教心眼淨無塵

老僧脫帽聊相諱
插鬢黃花欠夙因

金山憤

弔馬發也

潮州志馬發海陽人景炎二年春元兵破汀州
發時知潮州與循州劉興梅州錢榮之皆降後
發獨逸去五月張世傑復潮州安撫使方興來
撫諭發以摧鋒寨正將攝州事稱安撫使元兵
至潮陽遣使招降發嬰城固守乘間與戰却之
三年潮陽劇盜陳懿導唆都及蒙古歹圖城發
帥兵守南門巡檢黃虎子與陳懿通潛爲內應
元兵鼓譟突入城陷發保子城力竭先令妻子

自經乃服鳩而死時三月朔日也潮人立祠祀之

峻都來南門開城廂鼓譟聲如雷外城已陷子城壞大旗尙卓摧鋒寨前時詐作降將軍今日常山舌固在金
山北瞰南濠水親見將軍闔門死循梅守土人奴耳狗
斃乃有黃虎子死爲鬼雄定抽戈殺虎寢皮縫虎鞢

錢澳悲 弔張達也

潮州志張達饒平人景炎元年十一月端宗舟
居泉州蒲壽庚叛遷入海駐蹕紅螺山達等都
統與邵馬陳植都部頭馬驥輪策兩軍祥興二

年帝昺遷舟甲子門達帥義男扈從殉難厓山
妻陳璧娘送至錢澳洲畔有詩辭甚悲後人名
其地曰辭郎洲久之訛爲侍郎洲意謂陸丞相
也

厓門鬼哭驚濤撞浮屍擁出張都統沙草萋萋錢澳洲
崩岸猶餘杞妻慟短刀斫陣箭摩壘一夜元兵數驚起
庚申閏絕甲子遷十萬舟師同刻死紅螺山下弔滄桑
精衛當年恨未償忠魂定逐馬安撫孤嶼休疑陸侍郎

菊花四首

鄭重開樽寄短吟此才端合鑄黃金靈苗大有扶人力

寶相常懸證佛心壽世精神推健藥絢秋風骨傲華簪
年來車馬荒三徑却讓芙蓉闥薄陰

訪道參禪別院幽藜牀鎮日對清修瓣香句向離騷討
觸訓文從埤雅求離畔啼螳淒宋玉階前寒蝶瘦莊周
漫思花裏評耆舊也費摩挲九十秋

服食何因得駐顏九丹真待九秋還看來冷眼心原澹
插到盈頭鬢已斑金瓊銀槩安富貴藥鑪茗碗樂清閒
龔疎斌媚從人說算是神仙尙解頑

何年築就晚香齋將隱還期與汝偕小有園林娛老福
尙須屏枕寄騷懷蟹臍同譜雙螯賞鴨脚丹青一掌排

如此秋光應不負勝他冷淡買僧鞋

楊桂山觀察

振麟

招至西園觀拔荷小酌卽事賦

呈

荷池半乾荷葉殘水亭蕭瑟飛白鷗園丁一艇小於勺
如鳧出沒荒蘆間莖枯葉爛豈足用亦復不遺餘力刪
要從護藕培氣脈定與拔薤同除刊柏臺命酒有深契
言此日便漁竿鱸魚甘美蟹螯足海國稻熟征輸寬
樽前一醉倚池面已見素月流銀丸

來鶴堂

荔亭北有堂桂山觀察顏之曰來鶴先是海鶴

多棲於郡齋今年始來集於此詩以賦之

往年海鶴栖郡齋近年海鶴來節署柏臺自喜退食閒
槐堂每憶樂遊處戲鴻妙翰若霏煙來鶴新名同警露
詎將鐘鼓溷鷄鵠要使簪裾集鷁鷺我如旅燕尙無家
半載軒窗客卜住南亭荔熟擘紅雲西沼荷開捲綠霧
似聞花亦今年盛細思致此非無故已看雁戶免流離
會與鳩巢勤保護山人爲賦招鶴篇記取棠陰是巢樹

清遠室

西園池南有軒三楹桂山觀察顏之曰清遠雖
取瀛溪語意猶未盡也因系五言一章

嶺東轄三郡廣袤千餘里薰風自南來鑑此一泓水心
清慮逾遠所寄豈尺咫草長薤畚丁魚困育溪子愛蓮
亟擔泥護藕勿淘滓鳧戲微波興蟻鬪驟雨止澄觀在
虛室靜對日有喜琴樽散堂均朱墨綴窗几吏詢公焉
在答言冰壺裏

湘橋釣師圖爲子未題

沿江花鬧蝴蝶篷過江人影騎長虹跳波一撇雪花濺
鯉魚尾勝猩脣紅彩霞明滅朱欄露酒樓舊是題詩處
釣竿已落海東頭紅棉十丈珊瑚樹奇懷四塞綺思孤
樓笠蕉衫來畫圖水村漁侶入相憶間却鴛鴦一面湖

雨夜不寐

豆雨三升撒瓦齊，銀釭依壁動淒迷。
跳梁見慣縱橫鼠，伏枕聽殘肺腑雞。
合眼恐侵愁境界，冥心苦索夢端倪。
小園何日方成壘，已想青青濕菜畦。

翁邃菴學使藥洲訪石圖歌寄題

花藥氣散餘清池，榕髯覆屋垂葳蕤。
澆苔欲揭瘦石字，

捫壁且讀迴廊碑。

白小山閣部督學時余嘗居使院三閱月得遍讀諸石刻

蘇齋學

士昔好奇九曜搜剔幾無遺，米詩顯晦竟有數如龍起。
蟄應須時虞山宗匠相距六十載，大開鐵網來胃珊瑚。
棧沈薶寶曜一朝出絕倒，袍笏標風儀獲之不異得奇。

士幾欲下拜忘謙撫圖成卷石識佳話楚弓虞劍疑留
貽蘇齋八載按嶺表勤於童子稱聲詩金石似遜李南
礪亦復金薤琳琅披九石缺一屢致詞老榕脚下重嗟
咨水銀聚散理可喻後人摩濯當毋辭爾來文昌星度
入東粵天官家言徵信應非欺卽看抉幽發閤拂拭有
宗匠自見燭天牛斗之氣輝南離况聞景賢邁先躅池
上已建濂溪祠蘇齋久勒愛蓮說以此相待如前知看
雷奮發春雨滋戢戢頭角爭參差何當載酒坐亭畔一
訪石丈瞻宗師

儀墨農上舍

克中

以其尊甫研田翁三十首詩冊

屬賦奉題

十年爲士十年爲農十年爲賈十年爲官餘生讀書死

而後已

二十四字翁印章所篆

人生不過百年耳爾時六十四歲

矣君不見銅仙淚作英雄泚研田老人遺此紙一管筆

痛先妣四畝田媿族里萬餘金昔有是半通綬今若此

挽兩石弓何如識一个字

个字木實萃唐書音訓李宏靖傳

吁嗟老人

遺此紙此豈願爲胡伯始眼中萬卷欺項籍袖裏一椎

輕晉鄙三十首詩乃自紀傳之後人手澤視粵人親愛

晉人喜

翁山右人官於粵

研田老人尙不死君不見研田老人

今有子

南宋樂府

狀元雨

擘雲龍爪蟠空起驚人語出汪兵子馬蹄踏破草青青
唱第歸來尉應喜狀元禱旱雨輒應四野歡呼相公聖
相公曰吁是不然狀元雨也予豈稱君不見韓魏公科
名鼎貫兼功勲彤廷甫唱第二人太史奏見五色雲

相公睡

紫陽理學同不同曲筆乃傳張魏公始知不動心有道
視十萬衆如沙蟲甲帳無人鼾聲作此時晏然稱心學
生平自慣作睡語不似希夷真睡着吁嗟乎兩朝資械

一朝棄相公不睡復何事直將心法授開禧淮漢倉皇
督師醉

岳字旗

烏珠太子勒馬轉前面將軍大小眼排山五百背危軍
岳字旗開陣雲卷金牌召歸鐵甲棄三尺墳碑鐫賈字
江邊自有張樞密湖上閒來韓統制幕烏啞啞悲復悲
同時尚有曲端旗空營日落陰風吹

老秦筆

一紙彈文內抄出外人知是老秦筆老秦此筆不盡日
歷日無光黑如漆翦頭仙人見人哭咸陽坑人日不足

中書君乃禿而毒白骨枯碧血埋殺人字跡不必揩臺
端自有肉簡牘

南園記

歸耕亭歸不得退休亭退不得相公頭顱走敵國南園
記亦遭彈劾吁嗟文人不幸文名累當日制詞尙深喟
君不見相州祠堂亦有記魏公碑陰定流淚

生祭文

西山伯夷久不死生祭文乃傳萬紙豈知造物有安排
不遣黃冠備承旨千二哥百五妹靚妝璚英少周旋當
日應疑難割愛生祭文恕無狀一死難期留夢炎兩朝

爭重文丞相

冬青樹

萬年枝上太平雀飛向幽州生處樂蘭亭山下少人行
一樹青青弔冥漠玉棺已換鐵函六幾輩遺民同野哭
寶城殘缺似金甌三尺墳臺表幽築乾巢老鴉作人語
唐生唐生何自苦君不見太常裏衣丞相怒九哥不痛
長陵上

水雲琴

白雁過江南破一曲平沙恨無奈明日三宮馬上馱萬
卷書授國公七條絃教昭容木波西去金波死老向燕

山哭弟三嗟呼此空可以存君不問朱鳥與海向天嘆
裂石曾摧竹如意

題桃源問津圖時谷屬已將賦潮

無田作計學浮家如此詩源料不差正慙漁妻且漁子
載將家具過桃花名

退燕居歲暮聯句

嚴飈振寒空壽斜照翳庭樹簿領差蕭閒壽朋舊得親

附促席蟬聯談香撫景蛇尾赴煑茶呼山童子掃葉閒

石路曲室新汜除壽文窗畧迴互短檐背南榮壽小海

蓄東注丁丁鐘自鳴香裊裊篆微炷鑒空楹書藏未薰

修龕佛塑寒花靜娟娟壽煖研陽煦煦罇罍間瓶盆壽

鉛黃雜油素琴理通枯禪香畫手屏寒具卷軸牛腰勝

未屏障蠅點悞軟褥鋪方枰壽隱囊抵橫梧卧遊良復

佳霽坐忘亦成趣燕燕此息居香鹿鹿我追步障籠忙

抽身未扶牀欣起病漸思親杯杓壽恍喜檄章句時香

解欵門楚然來霽設局留小住最難佳日閒香豈易殘

年晤詩腸擣冰壑未鐙腹抽凍芋鳴薑沃烹鱗壽擷芹

配醢兔銀刀膾蘆鰻霽金屑霏桂蠹肉紅縑剝皮香牙

黃蕉剝跗玉面文狸香未珠胎海蠶吐江瑤極鮮腴壽

山鷓亦豐嫖食單議嫌繁霽殺戒持未固夢甘羊蹴園

香醉笑酒入務聊憑二簋設未莫限三爵數祭竈訪土

風壽伏臘徵典故炙冷更番溫霽僕倦左右顧聚蚊已

收雷香獨鶴仍警露聯吟類女紅未短晷勤夜作明知

此間樂壽猶爲彼民懼少年競椎埋霽豪右縱淫酗抗

糧虎負嵎香亡命蝨逃綈奇貨橫攬人未詭計潛發墓

火攻蠻觸爭壽李代流傭雇桀驚未易馴霽顓蒙亦難

諭使君下車來香次第令甲布出郭追胥頻未讞獄平

反屢威惠風草行壽面目塵塗汚任重愁力單霽局定

識心苦久道期化成香尙德致刑措走險無鹿鋌未涵

恩若魚响訟庭可張羅壽窮櫪悉含哺爾時東閣闕霽

我輩南烹饅嬉春更延秋香從朝還及暮官醞清滿釘

未蠻花燦盈圃一洗寒土寒壽同作寓公寓此願天或

償霽即事吾能賦體賡石鼎奇香句借紗籠護先呼十

手抄未傳賤寄長孺壽
生慶

讀白華草堂詩二集卷四

戊子

鎮平 黃釗 烈生

春正四日城南院中坐雨有懷仲弟笙調叔弟琴
展

爐竈紅情熱階除綠意新風寒萬間厦雨足一家春作
客同妻子爲儒異賤貧池塘剛屋後相憶此吟身

退燕居四詠霽青太守屬賦

養魚

東坡愛南屏此中有金鯽使君別西湖來作養魚客青

天白日中

韓江北樓有青天白日石刻四大字貯此一泓碧

供佛

當時築詩龕豈有意供佛龕成佛大笑卽此詩禪室安
知公非我瓣香受薰被

讀畫

抽身簿領堆隱几且讀畫喜無寒具汚況有玉叉挂一
幅勸耕圖大似浙西派

移竹

江干多笛材叢生不知重闢此地半弓移來及春種脩
脩兩三竿微吟和鸞鳳

寄楊海梁中丞兼呈 太保開府公

嵩高屹中州作鎮尊太室雄關逼崑潼沃壤山梁益二
東境毗連三輔勢并括 天子重河內世臣擁旌節維
時太保公督師掃回紇恭維 恩命下奉表上 丹闕
曰臣父子慙 恩重恐隕越 王師命犂庭臣職在統
帥逆裔首未獲老臣憤所切臣子供轉餉幸未致蹉跌
撫軍位望崇綱目愈宏濶 主恩縱渥優臣志常惴慄
帝曰俞嘉哉汝乃能不伐汝今身在羌汝昔功在滑
維茲豫省民感汝得存活穀洛汝潁間頻年患河溢汝
子職旬宣弼予用撫恤邇來年穀穰四野已清謐朕惟
汝子賢用是授之鉞太保奉劄回九拜謝 恩畢寄書

勉中丞 主恩深次骨忠勤勩 王家清白念勲閥天
山雪塞我瀚海波淳湳誓當蕩穴回且復整師出還
朝效山呼登封告成秩

寄懷子履兼簡郭頻伽

自我別淮陰離棕一歲積川塗四千里不復得消息頃
者杭州將報我書一尺書來有君詩念我耿不釋嗚呼
性命交豈爲飛沈隔念君作冷宦誰與共晨夕况復憂
世心悲憫塞胸臆自從決高堰漕河事皆棘君如處圍
城空抱魯連策司空水衡錢坐費千萬億海運雖暫行
河流終患溢賢者當亦難庸流安足責君於八年中時

事俱目擊去春渡黃河共君論畫壁焉能拯溺饑但望
生禹稷別來閱邸報時復動心魄中夜頻夢君鬚髮皓
已白侵晨攬鏡看我亦來老色同然憂患深各爲身世
惜詩人豈多窮感喟由嫠恤淮南有高士折角異巾幘
君爲述我語當亦共肝膈

讀魯謨太守詢治韓江水患策賦呈一首

黎民懼非常時議安苟且緬懷疏鑿功孰慮遠大者塞
口以止啼計已出下下驅鱷事追韓治河策詢賈知公
思已焦顧予口忍啞年來海口閉河腹病癥瘕導之泄
尾閭厥劑利宣瀉借茲岐雷手沒彼禹益蹠庶幾奠懷

襄沈菑獲澹灑嘅予邁洪流時維丙戌夏毀巢得蛟卵
翻甕出人鮓流移尙八口仰視無片瓦媿公經世心幹
濟木風雅非徒軫孤寒且用卹鰥寡方今堰黃流羣策
資取捨仍恃一綫隄萬室共蓬牀厥工木千椿堆卒葦
一把大患何時平年年仗白馬

明天潢小裔墓詩

有序

普寧城東崑岡書院琢玉軒前有天潢小裔墓
明宗室進士知縣事朱公女寄殞所也公諱統
鏘號肅園後於崇禎癸未禦山賊見害嗚呼滄
桑變改久澗銀潢煙霧淒迷空留石碣濺忠臣

之碧血瘴草餘馨弔宗女之香魂幽花泣豔因
成短韻以代長吁

香紉何因擬寢園匆匆埋骨黯銷魂瘴煙散後流雲薄
一樹梨花琢玉軒

天潢小裔碣親題落徑雲連碧草萋誰與金瓠製哀誄
剪刀風已碎桐圭

羣盜如毛嘯海鄉探丸日報劇倉黃搥心一斗宗臣血
灑向東風哭杏殤

裂眦銜鬚泣鬼雄一杯何處酹幽宮芳魂未必安銀穴
馬革還應痛乃翁

此後滄桑更可憐
瑤池阿母亦潛然
赤鸚鵡是緋衣使
召汝驂鸞入紫煙

二百年來剔蘇碑
漆燈無燄玉棺遺
赤簫朱瑟均悽豔
腸斷難工幻月詞

西園坐雨二首

石淨娟娟竹亭流
淅淅雲舊巢團燕侶
新水興鷗羣徑
曲殘紅聚橋凹濕
翠分春寒簾不捲
香篆靜氤氲
樹暗雲重合池昏
雨又成魚含乘霧
意鶴作避風聲江
漲城根入峯巒屋
角生隱囊閒拄頰
時節廢春耕

三月三日湘橋襖集邀子未同作并訂波羅園之

遊

湘橋煙雨暗漁蓑盡敞紅窗酌碧螺四座衿衣寒士少
六蓬春水麗人多治遊雋侶迷花絮風浴閒情到鳴鵝
見說平泉饒竹石何時聯騎一經過前約波羅園之遊至日始移樽於此
總憲姚文僖師訃至泣成二十韻以誌哀感

跋履從升陞懸旌劇錄銘人閒顏泰岳天上圻台星一
代師資重三朝翰墨馨論文標正軌植品示端型往

者持龍節頻叨刷鶴翎感知初學賦勵志益橫經豈謂

誇吳下依然滯楚庭梅花空占首

劉以探梅二律柳汁受知擢置第一

未通靈每荷溫詞惜從教熱淚零門牆誰在列警欬得

同貽務搏嫌鷹隼傷和斥騰鱗低徊太倉粟往復土階

冀大體仍當顧仁言竊幸聽東門某侍御以上通州掃

劍言自慚收赤箭彌歎拭青萍去日思函丈卿雲爛

闕廷秩宗咨典禮時兼署總憲請明刑師游歷卿貳掌

部詎料移臺柏無緣乞伏苓喻其旋紫府戴斗躡蒼冥

撤帳悲懸絳垂編望炙青私恩下公議應許享邊銅

閱奏捷知逆裔張格爾就擒恭賦四律誌喜

豈有雲垂礮真看雨洗兵時海出連旬挂弓傳捷奏罷餉合

歡聲凱已紆遲撤功猶算速成 紫光 詔圖畫班超

此勲名

共識師貞吉都由

睿算高

玉關俘待人鐵蓋

山名張逆虜擒

處

爾何逃冰雪懸軍出獐猿抱樹號縛羊真一快檻送

莫辭勞

遙憶排仙仗千官候午門羌戎知助順將帥各承恩

無外綏荒服居中識至尊止戈欽聖武帖耳靖諸

蕃

今日屯田議無煩

聖慮籌

大農應更喜上相果分憂

兵沴消金虎軍糧卧木牛春耕還及種劍戟易耒耜

芷灣先生歸道山已年餘遙讀行狀感成一首

墮地生天訝許同

先生生卒皆同日

種花事了萬緣空

先生前一日自

澆所種花樹皆徧是夕至漏二下將寢戒僕曰明日吾
生辰爾輩勿早來叩祝吾好夢寢至明晨先生不起家
人視之已化去矣九歌可續應憐我一笑無端敢惱公從大江

來尋瘞鶴

先生督糧艘過楊至焦山尋瘞鶴銘

題于江獨乘小舸一絕而去

向神山去

作冥鴻鹽湖煙艇黃州笛魂

題還道玉局翁

徐烈婦詩

烈婦林氏吾鄉人父壘方以武進士官福建興
化都司氏年十七歸桃溪徐氏子興章道光八
年二月興章暴亡有謂其犯煞者氏哀痛誓欲
殉夫妯娌解慰之氏曰吾志已定勿復強也其
姑勸之曰兒卽欲殉奈未見汝翁何兒且待之

氏曰諾後數日自湖州回見之痛哭卽絕粒
三日後麻衣髻髮自經於房中時道光戊子三
月初六日也余業師左秋浦先生敘其節而爲
之徵詩因賦

長繩如虹貫天咫白光倒灑桃花水麻裙化蝶杖化龍
素面相招有月姊九天虎豹引朝真東海西河度劫塵
十方世界蓮花現定逐凶神護吉神

得林西園

翰

訊兼寄示陳雲竹遺詩數首感賦

孤孀老友貧欲死日抱殘篇究終始突寒并缺黔婁妻
出荒金青洲明子別來已悵隔參商書去還欣報桃李

當時高輩言孟公送主齊盟執牛耳一杯酒冷賸敦槃
百尺樓頭旋荆杞多君風義不遺文寄我零星裁片紙
可憐身後似長卿忍聽人言歟卓氏知君病卧得此聞
應向林頭碎壺起歎我蹉跎嬾奴人長遠白柄謀一身
安得庭有三百瓦玄鶴正不足需要使陪除烏雀皆
安馴

詩句奉簡張梅初

先

天馬山樵負奇偉今之詩人古孝子當時中表數弟
昆君也孤寒行相似慈幃苦節卅年貧米他鄉事甘
旨三十娶婦初爲養井臼纔教助料理旱田踏車兼厚

水白衣汗透午不止歸來白粲奉高堂盤有乾魚色恒

喜已將耕織娛晨昏尚爲科名抱經史我初見君瘡方

起骨瘦神寒慄秋士驚人乍謂夢中詩黛擁春雲萬山

裏梅初爲余言夢中得宵來剪燭共三人時在伍

對酒雄談掌同抵雲夫氣觸謗謔平子清言慎臧否

豈料浮雲屢變更却教石相離砥神魚拔宅同時空

丙戌水患余與梅初廬舍俱蕩盡無營策何日始與君說重約婚姻

顧我身輕賤細里吁嗟世事空復爾翁子功名樵夫恥

名三良以飯牛歌窮達何心隨運耳

明經客翁襄毅墓

滴小崖前鼓殷雷番兒驚走太師來卽看中夏能招討
已識防秋此將才失眷有人開馬市銘功無地委龍堆
船鎗埃火三河夜回首關門畫角哀

贈少師吳順恪墓

君不見斬蛟剪虎周孝侯少時營力鄉曲愁一朝改行
著節義轉覺文士無其爲又不見走及奔馬麥鐵杖舊
竹驍勇殊骯髒進爲柱國劇成名羣盜滿山暗不響古
來豪傑類如此吳生白是奇男子西湖跣足乞相雄東
嶺建牙霸心死斯時少師擬錢王父子旌旄鎮故鄉正
當草昧驅除日賊歸誠海寇亡椎牛擊鼓飲鮮血壞

慨翻思進金玦紅棉十丈絮漫空一笑開筵看南雪吁
嗟乎漂母一飯哀王孫聞道千金亦報恩空憐野雉臺
邊雉不見麒麟冢上蹲

哀兩生

有序

余里居時與徐蘭伯賴復仁燕遊頗洽兩生雖
溷迹市廛然無世俗齷齪態間有所溺固無害
爲歛寄厯落人也去歲復仁客死雲南未幾蘭
伯復病卒於家哀其年皆未及壯而遽淹逝爲
賦此詩

擲牝金何惜呼盧注不辭兩生如昨日一死竟同時新

冢妖狐泣荒山野象悲夜臺須痛飲半世負嶽寄

雙忠廟

廟門突兀立鬼馬雙忠血食徧天下當時止有顏常山
約共袁君抗賊者潼關不守哥舒翰幾見將軍頭肯斷
上方豈獨斬賀蘭房琯持之罪難追爾時麾下兩偏裨
獨當一面皆可爲真卿不識事可知青驃西幸何足悲
嗚呼青驃西幸何足悲愛妾死爲君王妃

西園絕句

雲關泉壑闕蕭森荔子紅時一徑陰想到天風搖玉珮

相公鐘鼎有山林

許石樵梁瑤峯相
園有詩刻石上

鄰鄰水北復蓮東六角亭陰四面空大扇平頭無坐處
一竿來討釣絲風

芭蕉葉大綠榕肥一片垣衣覆地衣閒聽園丁語房媪
今年水滿藕花稀

丈八溝中闢此灣竹深荷淨碧迴環牆頭欲放煙嵐入
廢堞騎來一角山

用昌黎符讀書城南韻示兒子

王珏

山泉徵果育養蒙實權輿所以古之人髮燥卽受書讀
書匪飾名飾名似車虛以其悔於終曷若奮厥初子弟
頭角異刮目先鄉閭父兄愛護之不啻新筍如爲虎或

變鼠爲龍或變魚此豈所變異抑亦教督疎教督固須
密此事仍關渠攻書志嬾惰不如令牧豬勿令據軒檻
蟠腹如螭蜎勿令鑽魚肉蠕蠕同蠅蛆玉也昔授書獨
學愁索居過庭有詩禮今豈猶昔歟玉也未成童腹笥
須早儲玉今課之誦當知惜三餘幸爲堅櫝榔勿爲脆
巴且我無千畝莊令汝學把鋤又無一輛車令汝學駕
驢惟此數寸田筆耒從耕畚其間有茅塞旦晚須剷除
倘能博青紫絢簪而華裾讀書可致用亦免損聲譽卽
或長賤貧賈販沿村墟讀書旣識字處約心安舒時乎
不我再少壯忍忽諸我詩效文公望汝重踟躕

馘馬詩

憶昔戊辰歲騎馬上 祖墳徑路出車角溪水迴淵淪
危橋十餘架兩板當溪滑自顧膽力強策馬行恍恍已
過八九架馬忽足不前俯眎前架橋一板臨深淵馬蹏
濶尺許板無一尺寬維時山漲高水石爭豕豕喧馬前不
得渡馬後不得旋四蹄戰欲折驚汗收傾盆耕耨者輟耒
歎欲救嗟無門馬忽轉身躍入水浮濁渾俄然負登岸
再生見諸昆我幸全性命馬已傷骨筋馬主吾族祖洵
所居徑背村馬歸遠病斃廐養疑寡恩隔日我造訪割
肉供魚燔烈性當毒暑加以老酒溫其夜遽患痔漬血

沾衣禪爾時卽深悔害義兼傷仁不能助惟蓋忍令羞
盤殮至今二十年耿耿心難安生平出患難此馬稱殊
勲南康覆舟時雖亦舟子援我惠則已酬彼念當可諼
安得馬復生芻豆終天年

城南四首

昌黎有別墅營構當城南符郎昔讀書東野常遊探潮
州城南隅香火供書龕諸生事絃誦私淑從仰瞻居然
尺五天萬木高相參啾啾兩鳥鳴矯矯羣龍驂公平信
能來此境非精藍

門前十畝池一望渺林樾如讀月臺詩俯見城陰澗旁

有數弓地茶丁自鋤塋烟波媚晨夕泛泛出漁筏山林
在城市此景爲誰設半生困旅食塵霧一朝豁相忘果
江湖何處無風月安得草堂賢來買水雲窟

自我居此堂書聲達僧舍鐘魚日相聞用以警晨夜此
菴亦云古吾嘗賃過夏當年刺史來原道不相假何因

惠照徒得以長聲價

院東叩齒菴潮州志稱
昌黎招大顛至郡居此

綠陰覆桑

梯赤日蔭瓜架耕織未敢忘貓鼠自觀化

卧聞剝啄聲披衣起移燭心知兩阮來

芸史弟
葆臣姪

不復遣

僮僕山齋堆落葉幽棲似空谷况復風雨多誰欸楚然
足旅居幸團欒客况慰幽獨談深興劇高街柝驟相促

鄰菴門久扃池樹鳥羣宿舉頭見明月清陰護花竹

城南消夏絕句

方塘一鑑漾圓波瓦影沈沈織水梭尙覺湘江斑竹密

綠窗齊換武夷羅

武夷羅似京師冷布而較精細

杜門跣足更科頭大扇頻揮且汗流不信狎邪人不熱

矮燈團膝鬼樊樓

竹所榕陰此客寮山妻村女足逍遙

即廣東新語步驚樹

勝雞蘇散閨向松風試急簫

潮州白泥茶銚吾鄉呼爲急簫以其急沸且沸時聲

如風過簫故名亦東坡瓶笙之爲也

天明粥熟就東家散學歸來日未斜松口荔支纔餉惠

又擔新到達濠瓜

枇杷樹裂遽薨薨鮮血香膚暗不勝但向盤中鑽腐臭

潮州蚊笑惠州蠅

諺語

束髮嬌兒甫受詩乃兄階下訓唔咿竹牀石枕縱橫放
合是拋書午夢時

刀剪無聲刺繡停鳴蟬如煮火雲蒸童孫三歲偏岐嶷
抱得西瓜勸鏤燈

廚媪偷閑學績麻晚涼呼取灌盆花來朝待造仙人凍

預囑凌晨汲井華

京粉草俗呼爲仙人草廣
東新語所謂仙人凍卽此

牆角纔飛一點螢露涼抹麗有濃馨臥聽兒女談天象

新識河邊水鴨星

通宵蛙鼓與慕更彷彿江村候水耕一事家人差駭異

撼牀初聽地牛鳴

地牛形如鼃而小而聲最宏如雄牛

石室傳經圖爲翁潛虛先生

謙成

題先生爲海州司鐸石室卽

宋石延年種桃處

海濱鄒魯想淳風孔望

山名在海州

青橫一畝宮不道三千

年石室披榛仍待蜀文翁

臯座尊嚴鄙絳紗盤中苜蓿代庖蛙春秋一卷傳家學

不是公羊賣餅家

漢翁有傳穀梁春秋一卷

蒼藤翠壁闕松關雲構經營廈萬間

謂石室建考棚事

不比仙

人誇狡獪但將桃核擲空山

如此人師豈易求
道高真似古壺邱
共看當日容車地
已有神芝產上頭

謂令子遠菴宮允

六月初二日霽青太守招同鍾澹齋

莊顧子壽兆

芝集韓江東樓卽事

君不見銅鉦曉挂樽
桑東照見人海飛埃紅層樓百尺
俯欄楯市聲闐攘如屯蜂
此邦富庶嶺嶠雄闐闐所聚
百貨充櫝柳蕰欒葵欄
粳魚鹽蜃蜃饒鐵銅關市之征
當其衝使君坐鎮惟清風
冰壺在胸豈熱中文書塞案
一掃空閑來五馬巡城墉
囚民安業四郊謐招邀朋舊

攄歡悚疎簾清簟落子工厓譚塵論多名通三稜

果五

味

薑名

酸辣同登盤荔子誇吳儂

子壽初食荔支

蘆鰻稻蟹鄉味

逢分湖話舊思漁翁

太守與子壽憶及郭頻伽

惜不偕座分詩筒火

雲卓午晴密烘仰眎天半無飛鴻熱場雅集如此豈易得且看往來如織汗脚之行蹤

哭林西園明經

西園以所著四書學解寄示昨得書云日來病勢危急亟欲見其得失囑余商析後卽爲寄去并聞詩娛室詩話曾採及其詩亦思一睹西園得余覆書後九日遽逝僅一子往海外貿易妻

先亡訃至愴賦二詩以存梗概

一紙瀕危信知君任菴楮但傷聞道晚未覺好名迂忍
死身何有聊生策竟無泉臺應一笑不朽託詩娛
筵困憐君遇傳來足愴懷乘桴空有子踞竈久無妻歲
貢同陳橋年衰賦病黎南山高士碣忍痛欲親題

謝孝子瑤詩

孝子吾鄉人字德壽母死厚葬爲賊所發孝子
呼天號泣終日賊忽蓬跣狂叫走死墓側事見

邑志

孝子讀書明大旨孝子葬親非墨子鄉中竟有發冢賊

孝子難爲子與氏此時搏膺惟呼天不如席裹包以殮
付之螻蛄與烏鳶人皆忍親始得全呼號不絕朝逮暮
天不能言乃能怒蓬頭跣足呆誰使發冢賊來墓前跪
冬雷無聲震賊死得非天怒乃如此百餘年來在人口
孝子姓名堪不朽白馬鄉人謝德壽

黃烈婦詩

烈婦賴氏爲黃立富妻適立富甫一年而寡父
母欲奪而嫁之婦乃食鉤吻而死縣令蔣彌高
爲文以祭且立碑表之見邑志

人言鉤吻能斷腸妾言鉤吻同鬱香妾腸早斷豈須此

服此轉覺魂飛揚魂來隨君采藥無妄今幸保千金軀
山有狼兮梁有狐妾軀可糜心不渝吁嗟乎人生百年
若朝權不死之藥乃鉤吻君不見墓門下馬來縣尹

寄高臺令古葯欄姊丈兼懷開府楊公時齋及方

伯顏魯輿

崑崙山前曉吹角西陲叛羌已就縛戍兵盡返祁連屯
椎牛聽唱從軍樂君來作令向平川且喜烽煙正清廓
崕峒山勢入秋高張披河流向冬落想當列站羽書馳
轉餉犒軍紛繹絡事平幸預錄微勞最報還看量好爵
米川五載劍頭炊幣賦實難供悉索擬奏君王乞酒泉

恰到高臺縱春酌憶君久歷尉簿丞白草黏天度沙漠
雪山蛆肥行旅餐冰磧駝高健兒躍守捉羣誇大使能
寬平未信儒生弱蕃擾具有牧民理令長多年試材畧
卽今大府已受知慎勿階前學唯諾撫字深心肯喚咻
駕馭長才願恢拓宏農開府今褒鄂平原亦司北門鑰
朝廷當無西顧憂爲道郊生懶入幕

讀王文成平宸濠紀功碑題後

封狼竄入寧王府三巨人已守環堵漁舟一葉送中軍
如縛孤豚付刀俎維公應變信如神世有眞儒果不腐
戡亂功成羣小慍練兵慮匪邪謀沮勲勞至大不矜伐

奏疏他年上當寧辭封辭蔭匪虛文自有真誠出肺腑
貪功懷善臣所恥涕泣陳辭再傾吐忍將黨逆累門牆
竟使奇功掩園土當時設間從連壽肯信良知用心苦
舟中黃蓋共誰張馬上紅旗有人阻釣帖誰傳朱太師
捷音漫聽王巡撫已看易服龍爲魚况復竊權鼠俱虎
倖殊北狩陷烽塵尙許南巡唱威武始知隻身繫安危
且令羣狙平喜怒六飛安穩迴燕京宗社有靈生碩輔
君不問帳前第首綠幾幾妖異何能動人主

九日金山頂登高

焜黃點樹綠乾沙天與焦蘇足斧柯趁蟹子墟潮盤上

放蠶童學紙鳶多疲牛似強緣山斲去厓如繩貼水抱
幾處高臺人取醉不知洲畔有漁歌

消寒四詠

寒雞

長鳴敢詡羽毛豐且向寒窗耐北風老圃漸忘蟲得失
華軒冷看鶴氍毹神仙但恃丹能熱食客深慙氣不雄
唱破嚴宵遲浴日算渠饒有補天功

寒犬

瑞雪天街攪作團往來馳報老農懽平原見獵黃衫俊
遠道傳書翠袖寒門巷蕭條終戀主貂蟬暖燠敢彈冠

殘年寇賊縱橫甚賴汝周防邏夜闌

凍蠅

癡絕當時觸熱場可知人世有炎涼朱門酒肉廚中冷
白屋窗櫺雪後光畫筆曾憐寫生手梅花未是返魂香
何方噓汝蘧蘧活冰語從頭與誦莊

凍雀

籬頭牆角抱冬心雪片飛來深又深清絕竟無煙火氣
饑來嬾作啮嘲音白翎冷唱霜飛塞翠羽清愁月在林
比似紆于山尚好梅花國裏過重陰

題呂荔帷同年畫蘭

離水迢迢易水寒
桂花幾日便開殘
知君死願爲陶土
半貯醇醪半栽蘭

寄懷何子貞卽用其送予由沛上急歸韻

僵蛟泣奇寒一夜海水凍枯桑幻琴材
颯颯作酸弄心聲君胡傳嘔出每駭衆
猶嫌食茶甘必欲灼艾痛吾嘗竊疑之
觀理豈不洞繼乃知其賢不屑混雞鳳
膏粱純綺中公子日醉夢科名有詭遇
已失王良控君詩自悲傷忠厚絕嘲諷
偶爲陸雲笑亦過唐衢慟我欲廣君意
和平釋怨恫離騷雖楚聲天地值昏霧
而今誅蕩塗天馬各引鞚紅塵安能埋
溫卷詎須送千年古銅花久矣

得石礪行看秋雁酸換作春鳥啼

憶前歲南歸子穀子敬皆有詩寄送因用前韻奉

寄一首

風沙蔽窗櫺硯水已醪凍曾於暖炕頭呵筆看學弄
點露滴角出語輒驚衆友于有父風兄弟切癢痛摹帖
夕撥蠟讀書共穿洞常唳壁畫龍豈見門題鳳我時脚
繫鞋求踏槐柯夢幾番紅勒遣未敢綠章控汗顏對諸
榮荒莊可以諷何期平子然反代賈生慟感君慰幽情
一飲失百惘有加皎月來萬里場烟霧長安多貴遊白
馬青絲鞵而我坐五窮車船不能送君非少年語金石

讀白
來錯確三年始報書好音出幽燕

烏樓

費盡高樓一笛心
欄杆敲遍獨沈吟
美人衣似秋雲薄
歸雁天如碧海深
卽事偶驚眉子硯
相思空撫落霞琴
朱顏青鬢西風早
爾許清愁可易禁

冬來

冰簟精簾已昨朝
青氈暖到小團焦
冬來詩似酒生醉
蝶去花開去歲寒
補屋牽薪仍有待
閉門種菜豈無聊
園丁生計吾知矣
菱蕸收完又剝蕉

罇花四首

玉蝶飛飛簇一身羅浮嶺下此春人心香未豔金荃宮
骨冷能棲石屋貧老手銀鉤偏斌媚古肝銅照劇輪囷
那爭世上閒桃李自縛青鸞掃碧塵

修到今生費幾生但饒標格十分清市中易識神仙姓
圖底難知宰相名鴻爪尙從沙渚印鶴糧仍借石田畊
玉簫寶帳渾閒事不分調來只菜羹

昨夜笙吹玉女扉不勝清怨惱瑤妃軟煙夢蝶虛羅帳
明月乘鸞冷畫衣海上紅襟甘負約枝間翠羽儘羣飛
美人遲暮眠難穩侵曉來寒薜荔幃

老鶴殘年有所思依然茅舍與疎籬誰從谿背尋詩日

識到亭心煮酒時鏡裏馬看奇骨格崖前蜜記冷心脾
開花自白成陰綠一任東風信早遲

十月十三日馮默齋教授

奉初

招同林芾南殷撰

召棠

屈天閑學博

龍職

楊介亭公子集鳳凰臺

如此江山合有詩眼前況與列仙期龍頭瀉酒消虹渴
龍背乘風當鶴騎三萬日中須痛飲一千年後費沈思
多君懷抱能高寄拍遍闌干笑撚髭

讀陳玉珊丈

海霖

近著奉呈二律

眼角九州橫胸頭五嶽平酒杯乾趙土劍匣躍秦聲
鹹淚枯魚泣酸嘶孽雁鳴艱難爲防墓風義仗門生

謂桂山觀

休局門沈檀數斤足頂禮

二語借用集中杜門燒香事

學佛關佛俱

忘言詩成正合索桂醕借公餘瀝傾千樽